

Hörgársveit
Guðmundur Sigvaldason
Þelamerkuskóli
601 Akureyri



UMHVERFISSTOFNUN

Reykjavík, 28. febrúar 2012

Tilvísun: UST20120100157/ksj

Tillaga að deiliskipulagi á frístundahúsi í landi Gloppu Hörgársveit. Umsögn

Vísað er til erindis sveitarstjóra Hörgársveitar er barst 16. janúar sl. þar sem óskað er umsagnar Umhverfisstofnunar um tillögu að deiliskipulagi vegna frístundahúss í landi Gloppu í Öxnadal í Hörgársveit.

Á deiliskipulagsreit verða staðsett auk 40 fermetra frístundahúss, snyrtiaðstaða, geymsla og rotþró.

Náttúruminjar

Ofangreindu erindi fylgir tillaga að deiliskipulagi vegna frístundahúss í landi Gloppu í Öxnadal og vangaveltur um hvort svæðið sem deiliskipulagstillagan nær til er inni á svæði á náttúruminjaskrá, sem er svæðið nr. 501. „*Fjalllendið milli Skagafjarðar og Eyjafjarðar, (423), Skagafjarðarsýslu, Eyjafjarðarsýslu*“. Í skránni segir um svæðið: „(1) Hálendi milli Skagafjarðar og Eyjafjarðar norðan þjóðvegar nr. 1 á Öxnadalsheiði. Á vestanverðum skaganum eru mörk miðuð við 200 m h.y.s, mörk ná víðast í sjó fram á norðanverðum skaganum og á austanverðum skaganum eru mörk í 150-250 m h.y.s. (2) Hálendur og hrikalegur skagi með djúpum döllum, stórbrotið land. Á hæstu fjöllum eru jöklar. Um hálendið liggja fornar leiðir milli byggða.“

Fram kemur í erindi sveitarstjóra Hörgársveitar að sveitarfélagið telji svæðið sem tillaga að deiliskipulagi nái yfir, vera utan ofangreinds svæðis á náttúruminjaskrá. Umhverfisstofnun tekur undir þá skoðun Hörgársveitar, þar sem fram kemur í lýsingu svæðisins að náttúruminjasvæðið nái að þjóðvegi 1. Í tilfellum sem þessum þá er það lýsing í náttúruminjaskrá sem gildir, og bendir Umhverfisstofnun á að teikniskrá yfir svæði á náttúruminjaskrá var gerð á ónákvæman kortagrunn sem verið er að uppfæra.

Frárennsli

Umhverfisstofnun bendir á varðandi frárennslismál, að rotþró og siturlögn þurfa að uppfylla ákvæði reglugerðar nr. 798/1999 um fráveitur. Stofnunin hefur gefið út bæklinginn:

„Leiðbeiningar um roþrær og siturlagnir“, og er hann að finna á heimasíðu Umhverfisstofnunar.

Staðsetning

Í greinargerð er fylgir tillögu að deiliskipulagi frístundahúss í landi jarðarinnar Gloppu kemur fram að deiliskipulagssvæðið er á vatnsverndarsvæði III, fjarsvæði vatnsbóla og bendir Umhverfisstofnun að taka verður tillit til þess við framkvæmdir. Einnig kemur fram að svæðið sem deiliskipulagstillagan nær yfir er að mestu uppgrónar skriður með lækjarfarvegum, og að á svæðinu hefur verið plantað nokkuð af trjám og gerðar litlar flatir fyrir hjól- og fellihýsi yfir sumartímann.

Umhverfisstofnun gerir ekki frekari athugasemdir við tillögu að deiliskipulagi fyrir frístundahús í landi Gloppu í Öxnadal.

Virðingarfyllst

Aðalbjörg B Guttormsdóttir
Deildarstjóri

Kristín S. Jónsdóttir
Kristín S Jónsdóttir
Sérfræðingur

Skipulagsstofnun